

掌故叢編

第一輯



學政題詞

卷一



中華民國十七年一月初版
中華民國十九年二月再版

掌故叢編第一輯

編輯所

故宮博物院文獻館

發行所

景山西大高殿
電話東局九八七

印刷所

和平門內後細瓦廠
和濟印刷局

翻印必究

價目表		郵費	
每月一冊	五角	本市	每期一分
半年六冊	二元七角	外埠	每期二分五
全年十二冊	五元二角	外國	每期五分

代售處

琉璃廠 商務印書館 直隸書局
青雲閣 富晉書社

清 聖 祖 像



掌故叢編 第一輯目錄

清聖祖像

影片

清聖祖諭旨稿一

計九葉

英使馬戛爾尼來聘案

計七葉
附巴靈原書影片

王錫侯字貫案

計十葉

宮中現行則例

計八葉

汪景祺西征隨筆


計十葉

石達開給楊福廣職憑

影片

李秀成給李昭壽文

計一葉



清聖祖諭旨一 三十六條

按此諭旨皆寄顧太監者顧太監名問行爲當時敬事房之總管時亦呼爲總首領太監第一條爲是年幸五臺時寄第二三條爲是年奉太皇太后避暑拜察時寄第四條以下爲康熙三十六年親征噶爾丹時寄末四條無年月可考但皆寄宮內者不預外廷事故東華錄十朝聖訓皆不載其中之白察即拜察噶爾但噶爾丹即噶爾丹鍋必即戈壁譯音無正字也諸稿原藏懋勤殿洪字八〇八號箱內箱面題記云此內闕爲聖祖仁皇帝所交事件雍正十三年十月二十日奉旨交本房收貯非捧至御前不可擅自開看如違者即行正法箱內滿文諭旨奏摺爲多尙待翻譯漢文各件則陸續刊布其李家溝一事東華錄載之不及此詳許寶衡識

上諭顧太監等朕二十日抵菩薩頂觀清涼山層巒萬疊一瀾周
流琳宮梵宇古蹟甚多五峰插漢石路逶迤北臺更爲高迴登臨
曠觀衆山皆小天風颯然時方雪霽千岫堆瓊至於松杉夾道異
鳥飛鳴佳境無窮應接不暇乃界內之奇景也爾可傳之各處以
知五臺聖境之略也特諭康熙二十二年二月二十三日

諭顧太監等朕離京之際時方大暑溽雲屢起每思侍從之勞不
能自己自出關之後漸覺涼爽人心大悅如京中深秋之樣爾可
以傳之各處特諭康熙二十二年六月二十二日

諭顧太監朕本月二十四日已抵幸安上白察地方見樹積寒露
林葉初黃如九月暮秋之狀因天氣甚寒亦將回京不遠爾可以
傳之再問宮裏妃嬪公主阿哥都好麼特諭康熙二十二年閏六
月二十四日

諭顧太監初七日過八達嶺岔道駐蹕初八日到懷來縣駐蹕看天氣與京中大不相同甚覺寒冷前者庫上做狼皮筒子皮襖一件沙狐皮筒子皮襖一件未曾有面爾將此二件袖用雨緞身用零寧紬做完時報上帶來做時不可太緊了先報上帶來的因做得太緊甚是不堪須要小心朕來時德妃有些恙如今全好了麼阿哥們出疹的相比都有好了宮中自然清吉這一次的駝馬甚肥可愛走路亦好自出門即重重喜報來也朕體大安特諭

二月初八日

諭顧太監朕自出門以來卅日之間歷盡三雲南望則蔚州應州鴈門寧武北望則偏關殺虎口駐蹕則懷仁馬邑朔州觀其形勢乃古戰場之域今則太平鼓腹之民也黃童白叟挾老扶幼叩首馬前如南巡無異民情樸實風俗淳厚因去歲收成甚好米草亦裕朕心暢快身體安和天氣比大同暖些河也有開處也有不開

處隨來的人都好爾等將此傳知裏邊特諭

二月二十二日

諭顧太監前者書去之後又走寧武關北大水口地方又走崑崙州河曲縹到三岔鋪二十六日到李家溝此處無水只有一井地方官伺候三百缸水朕正走在途間見李家溝來的民紛紛說話崑崙州來的乾河名叫宵尊河這三日前發大水至李家溝南七里地方官恐泥濘御道用堤打住又有人說此三岔乾河今日有了水竟到韓家樓地方民又堵着朕實不信到了看起來果然是真就此開了堤到申末河水到李家溝御營深有二尺處三百缸水也不會用二十七日到碾塢村五十六里皆高山大嶺連亘不斷朕從來未走這樣不好山若不是地方民一聞朕來爭先收拾萬萬走不得頭一日下雪風括的在道傍一堆一堆堆起來推車的走道的甚得便易營前一里之地又得一小河水清味佳此二

日凡隨侍官員軍民無不目睹其事朕說不過偶爾如此不足爲奇二十八日到保德州黃河邊上朕乘小船打魚河內全是石花魚其味鮮美書不能盡吃食皆有惟白麵最好此皆細事外報不曾寫得惟叫裏邊知道特諭

二月二十八日

諭顧太監朕自渡河以來歷府谷縣神木縣等處將近榆林凡陝西地方山川形勢又是一種別樣景也有好處亦有不堪處所以好處者風俗淳厚人心似古水土好人無雜病食物亦多山上有松樹栢樹遠看可以看得若說不堪處凡城堡都在山頂上村庄都在破岬旁做洞居住嶺不成嶺道不成道可笑之極矣朕南方走過直隸山東江南浙江以至紹興四千里北至可魯倫二千餘里東至關東烏拉二千餘里西巡今到山西陝西二千餘里江湖山川沙漠瀚海不毛不水之地都走過總不如南方之秀氣人民

之豐富也初四日駐蹕神木縣申時噶爾但賊子到了大營滿漢文武軍民人等無不踴躍歡喜可見亂臣賊子人人得而誅之之語豈偶然哉朕在客路迢遞關山心實除賊意不虛發況暮春之初冰零未盡清明在邇寒風猶存不知今歲京中亦是如此否朕體甚安一路飲食甚裕白麵更好問宮裏都好麼噶爾但的事只在早晚間了但不能略定日期耳朕在神木得土物點心二種送

到延禧宮翊坤宮去看看笑笑恭進神木白麵一匣請安

三月初四日

諭顧太監朕在寧夏等噶爾丹來人到時纔定用兵今馬駝皆肥凡有走處即刻行走寧夏地方好諸物最賤但無花草耳這一次報來時封也開了匣也開了所以外邊用封封了再報來時照此封樣封了來特諭

又三月初五日

哈密回回送噶爾但賊子所帶來的土物惟晒乾甜瓜其味甚美

今隨報帶去又恐不知用法故特書之於左先用凉水或用熱水洗淨後用熱水泡片時不句冷熱皆可食得其味相鮮瓜水似桃乾蜜水有空處都用貨貨葡萄桃添了爾等傳知妃們物雖微而心實遠也不可爲笑

三月初七日

諭顧太監朕走鄂爾多斯地方蒙古富金們來的甚多爾將妃嬪們的綿衣每位一套綿紗衣每位一套報上帶來又徐常在二位答應襯衣夾襖夾中衣紡絲布衫紡絲中衣緞靴襪都不足用傳於延禧宮妃着量做完時報上帶來

三月初七日

朕自出門以來口內甚覺委曲出獨石口後漸然寬闊一目千里草雖舊而猶肥人雖窮而還樸與當日所聞者迥然不同天氣亦暖掘井也易朕體大安又無多事更覺清閑阿哥們都好出外人

口外馬匹全好在家者不必掛念特諭恭請皇太后萬安

三月十六日

諭顧太監朕北度沙漠已過阿巴哈地方將近喀倫一路風景又大不相同其草之肥其水之美非筆墨之能盡也水草之外再無一件之可取如雨雪之不常寒冷之不勻皆因遠邊之荒地實不足於掛齒也京中近日雨澤大田麥子何如特諭

三月十九日

諭顧太監朕領六師已到蘇牛忒地方日行夜寐將近千里沙漠迢遙橫亘萬里內中處處有湖其水亦異或好或歹種種不同朕最愛惜馬匹每日帶年少人等在沙中打步圍兔子甚多並無別者惟雨水少多所以遲些青草羊吃飽了馬纔得吃還未足地方比哨鹿處暖些若比京中則不必問矣朕因水甚佳飲食起居都好阿哥們都好四阿哥竟胖了許多大臣侍衛官員兵馬人等具

好特諭

三月二十二日

諭顧太監前者報去之後朕領三邊綠旗兵打圍兔鷄多的非常

二十二日到興武營滿圍都是兔子朕射三百十一支二十三日
到清水堡兔子如箭朕即不能射了只射一百有零二十四日到
橫城黃河邊上駐蹕二十五日過河駐蹕河邊上二十六日到寧
夏此處風景雖不如南方比朕一路走過的地方有霄壤之分諸
物皆有吃食亦賤西近賀蘭山東臨黃河城週都是稻田自古爲
九邊朕已到七邊所過之邊地惟此寧夏可以說得朕今抵寧所
得土物數件恭進皇太后又賜妃嬪們數件爾按字送去特諭二
十六日抵寧二十七日即差潘良棟捧土物恭進去了凡有字者
照字送去無字的潘良棟口傳

三月二十八日

諭顧太監朕在寧夏住了十九天自閏三月十五日起身往黃河
灣白塔地方去離寧夏四百里是俄爾多斯都稜公哈倫所居之
處朕到白塔自有相機調度自此以後離京漸近了特諭

閏三月十五日

諭顧太監朕此一舉雖爲殘賊嚙爾但亦欲西邊外厄魯特種類甚多必收之後方爲萬年之計出門時縱未明言自離京後即使人各處宣布朕意先已前後歸誠者報過之外今西海內外所居厄魯特全部落歸順已經起身往行在來了朕舉手加額喜之不盡有德而感動天地默祐一卒不發收數十萬之衆實出望外滿營中聞者無不相慶以爲無疆之喜因此發報所以寫去特諭

閏

三月十八日

諭顧太監朕在寧夏甚是悶倦自出口以來方爲清爽水土好將山陝二處的秀氣黃沙怕人高崖別了深爲可喜近日順流而乘舟而行者亦多黃河中魚少兩岸檉柳席茂草蘆葦中有野豬馬鹿等物特諭

閏三月二十三日

諭顧太監前者進來的王瓜甚好以後每報必須帶來蘿蔔茄子

也帶來朕已到白塔地方特使劉猴兒請皇太后安去並無別事
此人怪而胆大豈可近使甚是可惡不必打發他回來在敬事房
鎖了等別叫他家去特諭閏三月二十六日

諭顧太監四月初一日朕親看兵馬過去訖此數日內理運糧事
畢即日回鑾大略夏至前後到京此話不必叫多人知道妃嬪們
知道罷了特諭四月初一日

諭顧太監朕事已畢分陸路水路回去大概夏至前後可以到京
特諭四月初七日

諭顧太監朕出喀倫之後並無人烟惟有野驃黃羊搜爾特而已
觀其地勢皆平山大川間或有沙漠行車重載不甚爲難自出口
至於如今北行一日寒甚一日雖節至小滿冷似嚴冬若不穿厚
皮衣服則不能搪寒此乃南北之迥然不同處也特諭四月十三日發